

永泰縣志 卷之

拾貳 拾壹

地 310.19  
41  
28  
315.25  
491





循吏傳

青史所垂百僚庶司半通之綰一命之微為國為民相繫相維前事不忘後事之師永稱易治邑陋且褊峴首留碑棠陰勿翦資保障功為干城選遺愛在民官以人顯纂循吏傳第三十一

永邑名宦前只祀元綜理永福縣事王翰一人牌位現存明知縣李焯攷核故實與祀典有合者為之申請議進名宦有何謙文惠周煥陳克侯陳思謨五人又攷之通志宋有知縣楊懋方大琮清明有知縣趙博羅瓊縣丞嚴德峻巡檢熊彥迪典史黃永泰梁宏清有知縣鄭翁曰賓周星炳萬歷縣志又有宋知縣楊士訓林光朝徐知縣鄭復初胡克恭王舉宋大章韋綸翁矩安欽李焯林宗教徐嘉言袁世用唐學仁李焯朱由楮教職張志學龔烈程世鵬嚴榮吳紳韓鳴舉又有清知縣趙世安來狂馮紹立皆政績彰彰而未祀於名宦或因邑遭寇亂牌位煨燼俱無可攷今據其事實著諸篇附於循吏以俟後之採擇云(舊志)

知縣

永泰縣志

卷十一

循吏傳

宋

楊懋字懋之晉江人進士知本縣勤於政事休澣卽乘小車循行阡陌問民疾苦民甚德之

林光朝字謙之莆田人初為袁州司戶叅軍乾道三年以名儒召對論及近習龍大淵曾覲罪由是改左朝奉知本縣潔己愛民與多士講明性命之學以大臣論薦不已復召館職

楊士訓漳浦人從朱文公遊敦靜警敏刻厲自奮務求聖賢精意而躬行之作縣時留心學校更定祭品脩立社稷諸壇推誠待物邑人誦其德不衰

方大琮莆田人嘉熙初任時軍旅飢饉大琮守隘立柵登廩禁港無





虛日暇則延致師友劖古文大義

元

王翰

舊志作瀚

字用文靈武人先世以軍功授千戶鎮廬州改知福州路治中適三魁盜起翰造其壘諭降之遷同知又遷理問綜理永福羅源二縣泉州士官柳莽跋扈連結旁郡翰至悉解散擢行省郎中潮州路總管元亡屏居永福山中黃冠野服號友石山人時有上書薦之者聞命下歎曰女豈可更適人哉卽病不服藥有司迫就道引刃自絕遺詩與友人吳海曰昔在潮陽我欲死宗嗣如絲我無子彼時我死作忠臣覆宗絕嗣良可恥今年辟書親到門有男屋下三人存寸刃在手顧不惜一死了却君親恩翰性強介精

永泰縣志

卷十一

循吏傳

一一

敏持身刻苦歷官二十餘年家無餘積行政以愛人爲主平居喜讀書能詩有友石藁行世祀名宦祠至今美其鄉曰官烈子傳別有傳

明

鄭復初開封人洪武初知本縣性耿介不阿撫民有方山賊章振掠村落大軍勦之復初慮妄殺無辜躬冒風雪拯民於鋒刃之中憂勞至忘寢食民賴以安旣而請訓導孟彝撫綏強梗咸被其化胡克恭南昌人洪武五年以人材由莆田縣丞遷知永福以禮律身以廉厲節惠小民而嚴豪右秩滿人不忍捨

王舉又名矩字志方陽曲人洪熙元年以給事中出知永福性剛毅



廉慎下車之初詢民瘼興文學抑豪強事有便於民振舉不怠期年政治訟理卒於官民甚惜之

趙博河南人正統中知永福清慎公勤愛民禮士先是本縣田地荒蕪賦役繁重博疏請於朝得蠲荒田之稅民立祠於一都祀之

宋大章太湖人由舉人正德中任本縣端莊嚴正舉動有法士仰其範民服其德先是文廟祀典祭器缺陋見之惻然遂捐貲鑄爵修俎豆文風丕振

何謙南昌人知本縣初邑無城謙爲申請創置捐俸爲倡紳士多樂輸成之有碑豎縣門首

韋綸宜山人由舉人嘉靖間任本邑平易近人誠心率物口若訥而

永泰縣志

卷十一

循吏傳

三

遇事剖斷案無滯牘會覈田卒於途遠近聞之莫不流涕

翁矩壽昌人由監生嘉靖十八年任本縣慈祥愷悌視民如子政暇輒與諸生講解經義簡邑中子弟之秀者日課以舉業程其高下以爲勸懲其善政善教至今邑人猶稱頌之

羅瓊賓州人由舉人嘉靖二十一年任知縣舉動端莊立心正大蒞政視事朝夕維慎值歲飢禁港發粟賑活甚多以憂去

安欽桂林人由舉人嘉靖二十八年任本縣誠心愛民百姓仰之若慈母其遇士坦夷樂易無疾言遽色望之可親持正守法則凜然不可犯

文惠高安人字迪齋知本縣當倭變後以振紀綱興學校爲務立保



甲之法以束等戶番民

周煥金華人嘉靖己未倭賊破城煥力戰死建祠西關內春秋祀之  
萬歷三十年耆民林世仁等請於知縣徐嘉言以守城死義鄉宦  
黃楷林居美諸生林大有義民鄢俊配享祠廢清雍正九年教諭  
楊盛綠捐俸鳩工重建於學宮之左嗣復建於明倫堂後今俱廢  
李煒順德人嘉靖末以舉人知縣事巡撫游震得欲枉道由永福出  
兵煒曰游公兵驕所過騷動吾何惜以身爲民捍患書上果大怒  
以軍法逮繫煒怡然就逮百姓傾邑從之會御史陳萬言按閩乃  
反其令

陳克侯順德人以舉人蒞永明習吏治自祠宇學宮以及津梁道路

輒爲修造百姓德之建特祠祀於城南

林宗教萬歷初以舉人知縣事廉平不苛而雅有經畧奸猾斂迹

陳思謨河源人以選貢萬歷間知縣事會等民邱滿倡亂陳山明年  
曹子貴復倡亂烽洋思謨請兵殲之又以城之東北隅外高於雉  
堞賊得登覲我虛實力請當道移於內山之椒去之日至無宿舂  
百姓肖像祀焉

徐嘉言嘉定人萬歷間以歲貢知縣事政務清淨民有小過皆從寬  
釋獨下宿猾於獄亦終不忍致之法令其自新有古循吏風

袁世用字吾廬南昌舉人萬歷間知本縣正直無私八府有疑獄上  
臺皆發審斷清省宦侵欺田數百畝充餉又清還瑞應寺田百畝



至今寺僧刻像祀之又請除冒籍已在庠者盡撥回本籍有石碑  
豎縣門首

唐學仁興安人萬歷三十八年知本縣事留心政治越三年政通人  
和爲脩邑乘延請長樂謝肇淛侯宮陳鳴鶴徐爌爲纂脩司鐸伍  
可求謝必敬邑紳林彭齡等校閱編次以竣厥事繼往開來誠鉅  
典也後陞杭州同知

李焯廣東長樂人實心愛民造邑東門外浮橋爲永關鎖人樂利濟  
生聚教訓有功於民

朱由楨宗室崇禎舉人知本縣邑寇陳君陞焚劫破縣由楨率民死  
戰被執不屈死閤門死於火者二十餘人

永泰縣志

卷十一

循吏傳

五

清

翁曰賓署永福篆順治丙戌山寇陷城不屈遇害

周星煥

一作炳

蘇州人由歲貢知永福順治丁亥城陷不屈絕粒死

趙世安由興化分府署篆永福殫心愛惠憂恤民瘼全活甚多前飢  
民陷罪文致坐法者衆世安爲之平情實勘具詳開釋民懷其德  
共祀祿位豎功德石碑於水門內

來珏由進士知本縣詣學淵深曾著經說文集行世在任慈祥樂易  
愛民如子適府囚越監經過轄內大兵勦擒甚衆珏往安撫村民  
秋毫無犯

馮紹立四川人以舉人知本縣誠心愛民政清刑簡釋冤恤患纍纍



善舉調臺灣起行百姓遮道脫靴爲記祖帳東門自辰至酉不忍遽舍至今豔稱之

魏作霖北直舉人授本縣令清介嚴正酷愛士子抑戒衙蠹得士民心雍正丙辰修大成廟卒於官

鄭宗瑞號覲臣四川人由進士知永福縣潔己愛民縣城方盛行紙幣以鈔支鈔鄉民柴米入城終日輾轉不獲一錢某鄉者素號野蠻以支鈔故首發難於某錢庄集衆千餘意圖括搶鄭始則率民登陴頒發嚴諭以寒鄉民之膽既退則與錢商期尅日備錢付支立示永禁不得用鈔至今賴之甲姓與乙姓以風水故釀成械鬥甲固理直詞壯也而乙恃其族大列械入鄉甲力不敵開槍以禦

傷乙數人擡驗則身着號衣製同軍服鄭大加譴斥令其自行醫治競爭之心消滅無形富民某構屋旁有廢塚某紳利爲奇貨也以祖塚被毀訴之鄭富民慮不得直而苦於無路夤緣囑竈下嫗允以六百緡冀達嫗人嫗乘間爲言於鄭鄭給嫗曰左紳而右富民生者有餘快矣死若有知將謂我何嫗以達嫗富民怖甚及庭訊卒直富民蒞永十二年善政難以枚舉

劉敦華號子春山西人同治丁卯舉人秉性廉明內直外和尤加意造士增景行書院膏伙月有課季有考躬臨局門以試親操鉛槧  
甕甕不倦



唐蔭爵號詠白湖北安陸人由前清廩生留學日本畢業代理縣事接篆伊始匪警紛至始而北繼而南而東而西蹂躪遍全永匪首林峰聚衆太原城中有內應者縣城幾不可守唐以鎮靜出之擒其黨林德元德鼇等不動聲色卒保孤城蒞任半載與匪患相終始時軍隊駐永以數千計匪勢又蔓延不可究詰供億既煩徵輸復沮唐內罄私囊外諧營弁渠脅必分首從嫌疑悉予保全雖時事孔棘芬若亂絲談笑自若凡有措置悉合機宜燈火夜分未嘗假手賓幕

縣丞

明

永泰縣志

卷十一

循吏傳

七

嚴德峻東陽人洪武十三年由人材除本縣縣丞蒞下公明恤民禮士凡公務無大小俱不勞而辦後陞夔州府知府

巡檢

明

熊彥迪古田谷口巡檢時永福山賊朱叔明據險爲亂延及古邑彥迪部民夜擣其巢永民獲安

清

陸元熙號慎菴浙之杭州人同治初官滌門巡檢性廉介鳩視勢利卓然有激濁之志剔汙弊罷冗費抑靡度口不兼旨體不重帛約老幼士庶於鄉月諭而旬勸之服義敦行者獎不率者警嵩俗喜



溺女創拯嬰局存活甚衆嘗自言云一段真精神真命脈流行貫注於半通之綬者爲廢此一方民計耳居官十餘年行李不能易敝篋輿論稱之

蔣炳烜號幼珊廣西桂林人分司潞門蠹吏猾胥伺蔣初政相煽以炫聽蔣具燭隱隱取其渠痛懲之嵩有拯嬰局無米之炊竈隅啜泣久矣蔣爲置產業資挹注以期久遠先後在任二十年剔除民垢宿弊盡釐

李慕荆號輝山紹興人蒞任潞門悉心造士公餘考課嚴規優賞詳校而精別之歲薦飢蔬糗自節推食寒士嘗救荒行平糶法其言曰閭閻枵腹尙得頰首求滄獨衣冠槁立者旣不能出汗力以果

永泰縣志

卷十一

循吏傳

八

腹又不能捐廉恥以偷生所賑宜在民先鳩資購地建立道南書院捐廉爲紳富倡甫成講堂數楹上峰疏其才以卓異召見

典史

明

梁宏高要人由吏員嘉靖間任警敏多智廉靜無求自士夫以逮賤隸無不愛敬之

黃永泰黃岡人由吏員嘉靖間任諳練政事能業其官凡所區畫皆中時宜至微循摘伏邑無遺姦

教職

明



張志學崇德人永樂中任本縣教諭嚴毅方正博通經史尤長於春秋終日危坐爲諸生講學一時人物多所造就卒於官  
龔烈事實缺

程世鵬揭陽人由舉人嘉靖間任本學教諭脩行誼飭矩矱溫雅樂易於人無所不容而正大之意自不可犯每朔望集諸生講習詩禮令其遵行諸生中有貧不能舉者捐貲助之一時風俗爲之丕變後擢知寧州

嚴榮歸善人嘉靖間以選拔授永諭善屬文於書無所不窺待人以禮動靜不苟其所居衙宇倒壞出已俸撤而新之陞平樂府教授吳紳歛縣人由歲貢任新昌訓導嘉靖二十四年移教本學善教人

永泰縣志

卷十一

循吏傳

九

士遊其門多所造就與人言坦衷相示恂恂焉躬行君子也陞襄陽府教授門人餞於太原依依不忍別

韓鳴皋博羅人萬厯間以歲貢任永學教諭博覽洽聞諸贄見無厚薄皆待以至誠貧者矧之月三會文細爲評論與邑令陳思謨爲金石交每有規諫思謨皆欣受及遷去士民送之溪澣至夜不捨思謨亦握手歔歔達旦乃解纜去

清

何洛惠安副貢司教鐸能詩每登高舒嘯與都人士相唱和直諒有大度人有一善稱揚不置俗多停柩洛白當道嚴禁之有同官死子不克歸葬將厝諸寺洛曰吾方易俗而使寮窳不能歸乎捐俸



助之尤嗜學冷署青氈執卷無間寒暑

駐防千總

清

李聯輝籍貫失詳以軍功保遊擊銜權永汎千總適林寇之變駐永  
有詔安海壇二營驕甚衝突激變矢石及內署公門不得出入邑  
令某欲棄官逃李手兩戟腰刀踰監獄短垣下持戟大呼殺賊營  
兵憚李威名不敢進城賴以安

永泰縣志

卷十一

循吏傳

十



論曰古人有言龔遂之買犢一郡之三代也魯恭之馴雉一邑之三代也夫三代之治超軼古今若龔若魯一郡邑之良耳後之論者躋之三代之隆何以故曰親民之官無如守令一縣之令得其人則一縣治天下之令得其人則天下治然而有難焉者德不優才不足也德不優則無以美風俗才不足則無以任繁劇將皇皇於兵刑錢穀簿書期會之不暇而於爲民籌樂利之經成醇厚之俗也又奚責焉且古之爲令者得官於其鄉風土人情皆所熟諳故一旦居其位有不出戶庭而犁然就理者有明以來制必易地受職雖所以杜漸防微而苟非才德夙裕則稱職固有難言矣日本之變政也以知縣直隸國主而親王之尊出爲知縣弛其監制

使可自達尊其權位使可任事上與君近下與民親故情通事舉不二十年而國遂強今之縣令吏部銓選上不知其姓名長官參謁勞幾同於僕役清流之士羞而不爲况其下焉者哉責育之勇縛其手足則不能勝匹雛餽輸之巧錮其耳目則不能製一器夫欲用人之耳目手足乃縛之錮之而又責才力聰智於拘攣聾瞶之人是適裸壤而求龍章趣聾俗而考詔護也嘗稽周官弊吏以廉爲本曰善曰能曰敬曰正曰法曰辨禮經會元善言其有德行能言其有材藝敬以不懈爲心正以直躬自守法則守法不失辨則臨事不疑德行爲上才能次之敬與正其立身行己之德也法與辨其蒞官行法之才也六者吏治之所從出也漢於吏治爲近



古然前漢所載循吏僅六人後漢所載則十有二人而已何政治之卓卓可紀者尠歟永以吏治名舊志祇王翰一人通志益以楊懋等六人百里侯封錚錚佼佼况鄭馬楊鱣壯宮墻也孟鴨仇鸞飭官常也韋虎李鴉靖邊疆也思日贊襄無忝厥職俾一邑之治駕龔魯而上之蒸蒸乎與三代比隆豈不偉哉



方技傳

曠聰輸巧秋奕僚丸無曰鄙事小道可觀智盡能索用功靡懈雖有絲麻無棄菅蒯方技有傳始於蔚宗並採兼收後起希蹤一物不知儒者之恥專門名家釐然足紀纂方技傳第三十二

明

鄭燁字宗晦杓子洪武中辟興化訓導天才逸出書工八分(通志)

劉啓濂號懿菴崇禎間諸生工書上自王歐下及趙董或各仿之則精神畢肖或兼鎔之則體勢咸賅而擇交頗嚴性所不善雖隻字弗能得也張世堪嘗師事之(見韋治雜錄)

清

王惟澧號沅汀赤岸人能詩尤邃易數弱冠以太學應鄉舉士林初識之謂固長者耳至於蟬蛻末俗尙友古人操之心而不以告人者人固未之知也築陔南別墅日兀坐其中累黍於管懸義圖於壁著莖陳於堂握算於案取太極圖說程晦傳仲晦氏本義參考之自疑自契自印自証或有執其嚮所心得者與之爭辨則愠形於色若敵國然節母史欲令小就一職爲揚名顯親計乃入貲選西江州倅既終喪曰祿養既弗逮存寧日不再食勿以薄分辱名器也著陔南齋述聞陔南詩鈔若干卷(見王氏家譜)  
黃步香號心雲縣治人歲貢生工畫尤精蝶雁每臥構思運腕被輒爲穿故能獨步一時迄今得者珍如珙璧



柯祺號芝林縣治人嘉慶癸酉拔貢嗜吟咏工畫蘭每畫輒綴以小詩無一雷同者嘗遁跡海上日以賣畫自娛有日本人以縑十疋易畫一幅故集中有烏音人索畫蘭花之句著有耐耐齋詩集六卷

李昭北泆口人膂力過人精拳術嘗過溪口壩值癩牛狂奔人莫誰何過客十餘人築遇之喘汗相屬股栗不能聲李以一手扼牛項一手掣牛腹計客行稍遠放牛令去而已斃矣宰之兩手指痕宛然時髮逆竄擾滬皖李以勇力受林勿邨知保以千把職銜偶公宴延之上座以不嫻儀節忤上官意故終其身不能騰達云

盧天成號渾然秋壠人歲貢生工行草書作徑尺以上大字尤佳

黃大猷號秋孫又號笑當光緒癸卯歲貢善書蕭逸勁挺能作各體行楷著名省郡每爲人書屏幅扇面名刺有不啻王右軍書字索百錢者晚自號未廬改名異



論曰可大者學之博執射執御大道所以不器可久者德之恆作  
巫作醫得主所以有常古之君子不以志道蔑游藝不以鄙事薄  
多能此物此志也自世徒知納士於聖賢之教而不復知聖賢之  
道簡而有要博而眩泛應而曲當童而習之窮年而究之疲精瘁  
神耳目不淫束縛馳驟力閑其旁鶩之念氣煩而慮亂視壅而志  
滯無復玩物適情之具使之清寧平夷世遂有病儒之道隘而不  
廣者豈所謂能弘道者乎夫六經語孟之書有其大焉如天之位  
乎上地之位乎下不可倒而置也有其小焉如寶之藏於山貨之  
殖於淵不可約而盡也餘澤既熄人得一偏奮私智守專長者蠶  
起與儒者角無論明其所長而昧其短矜其所得而諱其失各自

爲方而不能相通也守而不獲其要襲而僅掇其皮如是者謂之  
拙藝通其法而不悟其微循其舊而不悟其新如是者謂之恆藝  
始焉宗此家繼焉參彼家久之貫串百家久之自成一家又久之  
冠絕諸家如是者謂之絕藝噫藝以絕名至矣盡矣觀止矣蔑以  
加矣而不能相通自若也雖然其負乎獨絕則固不可得而沒也  
養之射賁之力長康之畫衛夫人之書公孫大娘之舞其專門名  
家也非可僞託於一時邀譽於後世者昔史遷作倉公扁鵲日者  
諸傳若有味乎言之其無以技進於神尙卑之無高論也哉



列女傳

輜軒採風首別貞淫二南化始肇友瑟琴思齊太任誰嗣徽音絕倫超羣凌古鑠今天地正氣鬱爲陰森指水旌信援松示心彼君子女鬼神所欽之死靡他女史之箴纂列女傳第三十三

賢媛

清

孫琦閩清諸生允大女幼知書婉孌柔順嘗晨粧虎從牖突入家人驚駭謂女必死矣使兩健婢覘之無恙亟翼以出詢之曰閃忽中不知其爲虎故亦無大怖也長適邑諸生白雲黃起鳳能執婦道姑許性嚴肅氏宛轉承順得其歡心結疾以身代枕時其展側嘗

永泰縣志

卷十一

列女傳

十六

一夜侍姑漏盡三鼓氏顰蹙憊甚不敢呻吟姑察其異問之則將免身矣姑曰婦甚孝其子必賢亟遣婦產室生子卽惠也產三日姑卒哀痛成疾瀕危者數終身未嘗有疾言遽色家貧甚凝塵滿甌晏如也冬夜漬麻水中水冰火爇之以績或勸其少休氏曰吾夜不績則兒旦何哺耶子惠每對人述其母鞠育恩輒流涕不止  
(見洪良堂集)

謝秀璉北山人生有慧質年十三父母繼歿遺妹五歲弟甫生數月秀璉撫妹而哺弟復綜理家務及笄有求婚者峻拒之曰吾嫁弟妹何依自矢不字及弟妹長成爲之婚嫁復爲二親卜窀穸里人呼以義姊山寇竊發過其家相戒勿犯而去(舊志)



柳去使薛仲器妻器年十三病癱氏及笄器自顧家貧病廢親立退婚付柳父母氏誓死不二待字二十七歲夫病得痊鄉里憐氏志各相贈成禮執婦道食貧刻苦生二女一男不數年夫卒氏撫孤而嫁長女積勞成疾絕而復甦曰我遇亡夫謂我死子女何依遂將幼兒囑女婿收恤幼女付所親爲婦越三日卒聞者莫不嘉嘆

(舊志)

林氏有至行父病篤猶穉年待字也廢食忘寢割臂肉和藥以進父尋愈比歸雁門吳能信未育而信病垂斃復割臂肉如前竟不起每談及往事輒曰傷生之事有識所嗤不願汝曹效也後以壽終鄭氏侯官中丞任鑰女孫省垣梁齊許諸望族皆其中表也幼嫻女

永泰縣志

卷十一

列女傳

十七

訓習論語孝經歸麟洋諸生鄔海海年長以倍家無擔石儲氏布荆操井臼雖宿火不繼無怨言有從而憐之者則曰酸者儒之常貧何病也年十九海病篤刲腕丸藥天鑒其誠病立愈督學彭公爲之題旌然氏雅不欲以名揚也既耄兒孫滿前猶怡然談當年煮雪風味云(見鄔氏家譜)

韓氏優附生王誥妻事祖姑翁姑曲盡孝敬家赤貧嘗勸夫鬻子以養夫婦子女時或終日不食而堂上饗滄不少缺姑生幼子無乳氏棄其女以乳之妯娌有遺孤甫二月氏乳哺之皆成人(見雲

癯偶訂)

張環使舉人魏煥珪妻長慶人氏出名門於內則列女傳諸書思心



殫而力行之父輒曰此女而男也克家焉可耳比歸魏夫婦相敬如賓夫病割肱調藥以療或詰之終不言入其室婢媼無詬誶聲鄭巽紫明經理齋女許字林勇官勇官失愛繼母弗爲婚遁不知所之鄭亦失怙與祖母相依爲命孝廉方某受林屬與鄭弟謀醮女女訶知其故大聲曰若再言更適者我必以頸血濺其面謀遂沮前後數十年葬祖母嫁妹婚弟而哺姪積勞眇一目年七十二而勇官歸里人醵資涓吉爲勇官成禮勇官不可鄭憤悒不食卒勇官亦繼亡(見雲癘偶訂)

鄭氏端慧靜婉喜讀書適陳松齡事姑孝姑病恆累月湯藥井白之勞歷久無倦色其子景韶承伯父祧每歸省輒涕泣不忍離氏溫語慰諭泣不止乃正色曰兒幼未知大義汝善事所後博尺寸功名卽所以慰我也顧戀戀依膝下不重戚我乎族中無大小聞之皆感嘆

張玉釵鄭鴻年妻歲貢生仰樵母也少以孝行聞年十六割肱醫父無知者侍兒微泄其事于歸後尤能謹事翁姑得其歡心鄰族交羨謂鄭門有賢德婦

劉燕徵歸太學何梅林靜默寡言笑事阿翁孝謹家既貧時脫簪珥供堂上甘旨以麪糲飽兒輩自進飭粥而已每祭祀品物器皿親自料檢必潔必誠而尤嚴於訓子夜績課讀機聲書聲上徹簷際子兆馨卒以名儒昌其家



林肅閨幼失怙以針紝佐母持門戶二弟邁廢疾醫藥之費出氏十指居多長適諸生黃梅梅清貧如母家氏內助夫而外顧母外家衣食仍仰給焉勤劬事女紅雞鳴而起夜分始罷終歲如是也俄而季弟疾少愈復爲母族宗祧計代季娶婦母疾衣不解帶者五十餘日及母故代謀窀穸井井有序兩弟相繼溘逝遺乳臭孤一氏復躬爲撫養然自喪母而後哀毀骨立不數年而歿

王氏浙江巡撫諡壯愍公孫女戶部郎中見三之女也天性篤孝光緒丙子父疾劇氏年十六憂惶無措中夜焚香籲天割左臂肉如錢和藥以進尋愈逾年復發更割右肱勢革遂不起人謂氏父病前已瀕危得復延一年者孝感故也十八歸進士江蘇知縣陳景

韶陳故永人寄籍侯官祖瑩弟秀瓊子瑋皆永籍先是氏姑林得咯血疾氏在母家微聞之虞其不逮事也私禱於神願減算延姑壽既歸事姑事本生舅姑竭誠孝養各得歡心羞膳湯藥皆親自供御不假手婢僕終兩姑之身無間夫家綦貧治姑喪及本生舅姑喪力難從厚出簪珥估變勉盡大事前後二十年間遭喪六舉婚娶五周戚鄰襄善舉不可勝數嫁資既罄鬻母家所贈住屋以繼及卒禮部郎中郭曾所以狀請於朝得旨旌孝女如例

陳月娟性至孝善詞翰母病割臂肉和藥禱於福善庵有句云如來座下無多願第一慈親壽古稀歸邑諸生鄢耀庚鄢羈粵久其月夜懷遠云滿院海棠都睡着阿儂獨自倚闌干可謂怨而不怒著



品雪集一卷

才媛

明

周玉簫方伯坤之姬也本賈人女襁褓中聞讀書聲則止啼而聽稍長家無書籍僅從女塾識字而已年十七侍伯坤伯坤家多書恣其取讀過目成誦試作詩卽能吟咏其立意必軌於正無香奩豔冶習又品評古今閨媛繫以小詩錄志操粹潔者爲景行卷次身雖不辱死未盡善者爲惋惜卷三行同犬豕爲唾罵卷如評謝道韞鍾琰皆輕狂寡恥以閨閣之容止襲揮塵之風流敗倫壞俗而新語豔稱之萬古傳爲美談王媪出嫁呼韓父子聚麀何能格天

永泰縣志

卷十一

列女傳

二十

而塚草不白當是隨殯有雄黃精故穴上不凝霜雪昔王粲在荊州從劉表登鄣山見岡不生草粲曰地下當有石礬掘之得古塚皆石礬青塚亦然古今不察詫爲神奇何也又如卓文君越禮人稱爲憐才余謂解憐才者獨有孟光若曲挑目成直荒淫耳竟以白頭吟陷長卿棄妾隕嗣消渴滅身淫而兼妬何足稱焉品隲甚多如老吏斷獄人謂之女董狐伯坤投筆從戎以儒將秉鉞海外被陷下獄囑室人曰脫網無期當嫁是婦玉簫誓曰不諱則相從地下耳烈女豈更適哉乃與嫡呂同奉老姑姑卒殯殮盡禮家素饒至是中落伯坤在獄七年乃釋旋又馳驅王事飄零燕邸其七夕寄都門詩云畢竟神仙豔福饒何曾風月負今宵一筵瓜果籌



無力空復隨人看鵲橋嬌媵貧病相依未幾繼逝伯坤以玉簫集  
中有懸此貞心託杜鵑之句名其集曰懸鵑集（舊志參通志陔  
南齋述聞）

方望官蕙官皆伯坤女望嬌而蕙庶並穎慧能詩望官又善畫無師  
承仿古人名筆畫大士像極精工呂夫人歿望官爲母寫真依六  
和塔刻本作菩薩相環髻趺坐蒲團神貌如生非世工所及詩不  
肯留藁成輒焚之年十六病故伯坤間關北道久而不歸周氏亦  
逝蕙官錄母詩若干首郵寄其父并繫以詩有校對餘閒還痛讀  
淚痕更比墨痕濃之句父得詩悲悼及伯坤歸蕙官又卒乃以其  
手錄藁遺其許字壻廖全禮藏於家（舊志參陔南齋述聞）

清

黃淑窈淑畹莘田先生二女也窈字姒洲工繪事適諸生游藝畹字  
紉佩工詩其題杏花雙燕圖云豔陽天氣試輕衫媚紫嫣紅正門  
酣記得春明池館靜落花風裏話呢喃夕陽庭院曲闌東語燕時  
飛扇底風不管春來與春去雙雙長在杏花中侍兒金櫻亦能詩  
有夜來香絕句云知隔絳紗帷暗坐謝娘頭上過來風（見隨園  
詩話）

高芸馨字素芳邑國子生王應箕室也有榆塞聯吟草壯色沈聲出  
於閨中尤不易得土木堡詩云土木傳音誤千秋古堡留空屯邊  
馬躍落日塞狐愁諸將論功候元戎苦戰秋行人關外望赤霧滿



城樓其居庸關二十八字則太白龍標之亞也詩云居庸關外草  
萋萋居庸關上子規啼寒風吹雪鼓鞞死大河落日牛羊低更有  
虞姬七絕云楚聲四壁泣青娥一曲虞兮奈若何猶有美人能殉  
國勝他章呂負恩多芸馨兼有婦德應箕早卒以節孝聞（見射  
鷹樓詩話）

王筠卿字瑞蘭荔村之次女適侯官何藻亭孝廉與芸馨互相唱和  
其詩情詞激越如哀角秋笳聞聲悽惻土木堡聯吟云舊跡留雲  
堡形排亞字斜柳屯雙隻埃茅屋兩三家折戟猶埋草頽垣正落  
鴉顯忠祠宇在遺恨說蟲沙又長城懷古一律云版築勞勞執朴  
催當年力役雁鴻哀金湯本爲千秋計鞞鼓翻從二世來戍塞壓

永泰縣志

卷十一

列女傳

一十二

雲盤遠勢女墻瀆雨墜寒灰夕陽終古留遺跡荒堞頽垣半掩苔  
氣格沉雄雅有唐音惜其年不永豈天忌多才而奪之算耶（見  
射鷹樓詩話）

節孝

宋

林小倩王父約嘉熙進士廣德軍司理父象姤道州推官小倩聰穎  
多卓識歸監生大理右評事倪攄攄素精計然術然亦善病以故  
作輟於其學小倩每勤勗之雖逢彼怒不避也攄遂感奮益勵於  
學無寒暑間數年名成而疾復劇竟卒因自尤曰夫之不起妾速  
之也遂絕粒家人百計挽之弗爲動會舅卒姑郭年六十有八子



心願八齡心鼎五齡兩女俱孩抱郭提四嬰泣語曰我無依矣而更堪此幼弱累乎乃謝曰媳責也敢不忍須臾死以重違母命力持門戶歷冰燄三十餘年喪葬婚嫁各盡其禮田園廬舍有充拓而無荒廢族黨之貧乏者更多有所依助云（見蟬巢集）

明

方蕙女林愈妻三都大樟人年十八適愈一載愈卒甫葬其夫卽爲雙壙舅姑早亡無期功親外姻有慕其容色者欲脅娶之蕙女知之還母家父母憐其少而無子諭以改適終不從居數月父母俱卒弟鏌纔四歲蕙女撫之成立洪武十四年辟浮梁主簿蕙女年六十三卒鏌舉其柩與愈合葬焉（舊志）

永泰縣志

卷十一

列女傳

一十二

鄭氏方湛妻莆田人湛以祖軍隸興化籍鄭甫二十歸焉踰九年湛死鄭痛哭幾絕曰夫死妾當殉奈無所出何以奉吾姑暮年遂矢志不二取伯氏子師舜爲嗣他日歸寧其母導之他適鄭氏憤悒遂與母絕家貧終其身吃苦茹淡以祈姑年（舊志）

陳氏諸生鄭文釗妻北溪人也年十九文釗溺水死陳紡績以事舅姑友人周朝佐輩憫釗屍弗獲繪像以弔陳朝夕焚香拜祀囑家人曰我死當以此像合葬卒年四十六（舊志）

宋氏諸生董朝鍾妻閩縣人通判宋邦俊之女也年十八入董門方一載而朝鍾卒氏痛哭不自勝誓志堅守屏脂澤華服終日不出閨闈家人亦罕見其面代夫奉養舅姑三十餘年俾二老人忘其



無子之苦(參舊志)

王氏適李復元復元早孤育於伯氏家年二十五而歿王年與之同遺子模方五歲女二歲其舅姑喪尙未葬王營舅姑宅兆並元喪俱畢壹意撫孤冀成立以昌夫嗣模勤學耳其名者咸以遠到期之十七歲復天王以哭子喪其明無何女亦殤乃取族人子爲模後溪漲暴發王且瞽不良於行携幼孫出走孫墜水王赴洪流援之俱斃聞者悼之(見韋治雜錄)

回姐適陳不昇早喪夫撫遺孤敬崗敬崗前無同產賴回姐始克長成陳氏一綫之延胥其留貽家乘私諡曰勤慈(見陳氏家譜)

李氏諸生方炤妻炤卒李年二十撫男瑾選邑庠瑾又卒妻林氏年

二十一撫男岳補邑廩生岳卒妻林氏年二十三撫男時典聘霍邱令黃楷女淑貞未成婚而時典卒淑貞聞訃奔喪及門而時典復蘇淑貞割股調藥以進有頃氣絕淑貞欲自經其姑諭之曰吾家三世早寡非皆不能死所以濡忍不死者以立孤難於死耳吾兒卽無子所子非子乎於是淑貞屏絕鉛粉與姑相依又慮外家見逼剪髮斷指以自誓(舊志)

清

游廷官鄢鏘妻卽烈婦游莊姐女姪歸未期夫已試事在省病故訃至游欲以身殉姑以年老勸止之爲之立後乃奉姑撫嗣子孀苦十三年及姑卒嗣子已娶曰吾事已畢可死矣卽水漿不入口以



卒(舊志)

蔡副姐陳瑞亨妻諸生策勳母烈女陳皋使卽其女孫也年二十一夫卒事祖姑及舅姑無違禮嘗刲股療姑病孀居六十七載 (參舊志)

趙絳櫻侯官沙堤人父良黻母嚴未舉子有女三絳櫻其季也適赤岸太學王家騶三年而騶卒無所出騶父叔愷義夫也早鰥不更娶愛騶逾於諸子及騶死乃欲以媳爲女別嫁之以係思子之情絳櫻再拜請曰兒家世以詩禮聞敢失節以遺父母羞營騶葬爲石槨而書己姓名於內以示同穴之義取夫兄仲子爲騶嗣屏桐澤力織紉父事愷二十年無少懈(見陔南齋述聞)

永泰縣志

卷十一

列女傳

二十五

黃氏明太史文煥女孫許聘淮陰劉氏子未婚夫亡請奔喪不得遂成服於室無何聞有他議自投樓下不死居五年不釋服曰不歸劉拜夫墓終不釋也舅姑乃迎以歸謁墓慟哭哀感行路淮人士嘆美之吳江潘來有黃節婦詩(通志)

柯秀使幼失父母育於伯父柯宜椿旣笄許字張大儼未婚而儼卒柯年十八謂伯父曰養育深恩未能酬報但賦命不辰夫有翁姑應往奉之願大人割愛遂入張門執婦道椎髻練裙垂六十年中外親屬罕見其面黃惠林開日均有柯貞女詩載藝文嗣子紹雄諸生(參舊志)

張氏王克善妻也生子昌明甫兩週而善逝昌明復二十而夭娶陳



氏無子取姪孫世伯爲嗣孫氏與其婦苦辛撫育營葬翁姑及夫與子凡六窶皆張手自拮据營辦族黨以爲難(舊志)

張氏諸生鄢庶績妻夫溺於水矢志撫二孤日傳日偉奉翁姑唯謹及二孤成立傳娶婦馮氏而天姑媳熒熒相依及偉娶婦生長男遂立爲婦馮氏後門戶復振姑媳二氏功也(舊志)

林淑使庠生吳時崑妻年二十七夫卒育一女翁姑擇嗣治喪林誓不獨生水漿不入口七日翁姑苦諭以二老在堂婦宜知孝子女無依婦宜知慈遂矢志孀守年五十七卒(舊志)

毛端使適林文重二十五歲夫故絕食四日忽大慟語家人曰未亡人豈忍效世俗戀戀輕塵栖弱草哉奈夫本生庶姑及三幼孤微

永泰縣志

卷十一

列女傳

二十六

氏誰司厥責遂竭力事姑二十餘年撫督三男成立(舊志)

戴氏蔡成文繼妻十八歲喪夫矢志孀守擇立嗣子爲夫後不幸子又早夭環顧昭穆承祧乏人所守謂何既絕望矣氏益舉動有節雖寒門孤嫗無敢以再醮之說進者舉人王鳳書有句云白楊荒冢淒清月照見兒家一片心(見倦遊草)

史瑞使太學王天柱妻柱歿哀毀絕食親族勉以事親撫孤竟先夫未竟之志始進膳莞居五十年足不踰闕或欲上其事請旌曰婦職當如是耳翰林孟超然題小影云坤道承乾雙翰比羽不事二夫吾聞其語猗嗟安人藁飲荼茹紡績之餘支柱門戶先民有言流水不腐惡勞好逸天所弗許唯天無親伊德之輔亦既勤止式



穀與女有子象賢若發穎豎玉樹庭階軒軒霞舉夫姪進士知縣有爲題云懿我安人共姜比義庸德之行蟠際天地咄彼烈婦一死鴻毛呱呱嗣子孰撫以摩烈易守難于古爲譏古義孰明安人念茲蔑義者亡抱義者昌繫百千年山高水長旣卒聞於朝得旨予祠(見王氏家譜)

張茂使廣文錦樹女許字林啓俊卒女年十六矢志靡他親族難之女曰求仁得仁又何怨遂慨然從其志涓吉歸壻家士民送者塞途與木主行合卺禮變服就喪次執女紅事姑以孝聞撫嗣子以慈聞至老足不踰閭嘉慶二十一年建坊嵩陽龍福坊

鄭氏張道賢未婚妻道賢歿寡母唐氏在堂氏聞訃涕泣終日哀告

永泰縣志

卷十一

列女傳

二十七

父母曰之死靡他聞教久矣顧亡人有母孰與事之宗祧孰與繼之兒願執箕帚爲張家婦父母從其請遂凶服過門與姑唐同寢食盡子婦禮唐卒營葬畢曰吾今可以下報亡人矣遂不食死

吳意使監生魏國治妻長慶人早歲喪夫守節得舅姑歡心壽至九十八歲親見六代同堂爲全永數百年來盛事彌留時子太學世起病綦篤氏力疾呼天語曰天如福我須先吾子而殂遂逝喪畢子亦繼亡老天亦成人之美矣道光癸未特旨建坊旌曰百齡

貞節

陳昭使魏世昭妻長慶人十九歲歸魏月餘夫故矢殉者再有識責以奉姑大義遂厲志守節幾三十年卒以夫姪太學周行嗣



黃氏知陳州府慶安女也端謹知書與語古今名賢忠孝大節輒動色相慕年十七歸王晉三甫三載而晉三卒遺一子僅三閱月氏哀毀滅性偶閱程嬰杵臼事始收泣壹意撫孤茹苦二十餘年子琦同治庚午舉人

鄭氏白雲黃衣德未婚妻甫七齡童養於黃年十四而夫故依夫弟養德爲活養亦乳臭子兩小無猜鄭極力撐持於內比養娶於蘇蘇故名門爲舉人鍾奇妹二十五齡而養亦故熒熒妯娌苦辛如前狀蓋五十年若一日云

何氏幼穎悟喜讀書弟就外傳夜歸輒以餅餌啖之令誦所授書悉能記憶比歸諸生王森芝事舅姑飲食衣服起居不待詔告動中

永泰縣志

卷十一

列女傳

一二十八

窾會翁嚮好客座上不速無虛日氏潔治豆觴咄嗟立辦每霜晨雪夜篝燈佐森芝讀森芝名下士不可一世屢躓棘闈憤形於色氏以義命相慰無何竟悒悒以卒或以氏性素烈謹伺之從容曰有婦以奉姑也姑既喪子可并令無婦乎姑病日不交睫衣不解帶易簣親爲滌沐凡紀綱殮具周身周棺必信必誠不兩旬隨逝子紹沂舉人孫夢熊拔貢生

鄔氏縣治人太學鄔壽昌女鄔故望族昌家居課子氏亦從兄苦讀甫十齡能誦古列女爲嫂妹勗長字同邑陳榮麟未婚而麟故家人秘勿使聞而氏已訶知自經者數卒救護得不死因告舅姑以過門守節之意陳以食指浩繁遲遲未決氏語家人曰此志不遂



惟一死塞責已耳日夜飲泣不食戚族哀其志愆懇陳令迎歸拜謁禮成疾奔喪次一慟暈絕既而念祖姑舅姑在堂夫喪未殯嗣未立伊誰之責遂破涕承歡夜則與夫妹紡績以佐家計既三月葬麟於東郊立夫姪佑官爲嗣計守貞二十餘年援例請旌特旨報可

馮愛娘余壽申妻壽申賈於外久不返其兄僞爲死耗以絕馮念馮察其異奔侍庶姑日勤女紅恆以不逮事舅姑爲憾歲時祭祀必誠必潔比夫歸成禮馮年已三十有八矣不半載夫亡全節而終吳氏林鍾瑛妻瑛卒家綦貧翁鰥且獨氏形影相弔甘旨皆憑十指出翁憐之欲以族姓子爲氏後氏以螟蛉情終有間力爲翁娶後

永泰縣志

卷十一

列女傳

二十九

姑逾年得子政輔輔生長子卽立爲嫂後并請旌予祠

王鸞嬌邑諸生森芝女年十九歸何傳奎紡績之餘篝燈佐讀二十一歲奎故尙未青一衿也遺乳臭子一而護喪夫叔某某復利其有日謀所以逼嫁佔產者幸氏讀書知大義無隙可乘乃子年十九子婦年二十餘不三四年相繼溘逝莞然老嫗與媳氏遺腹兩孫男呱呱膝下蓋以血淚洗面者幾三十年竟目覩成立而利人之有者漸次凋謝而莫誰何其哭夫云蓋棺未了平生事半百衰親週歲兒哭子哭媳云慈烏日夜啼卵破傷巢墜一堆兩堆土千聲萬聲淚自慰云旣燼還復燃寒灰今再爇卒年六十一

附題名

無事實可紀及大致相同者另立題名一門



明

林玳小官烈王拱妻

林潔娘郭社妻

林淑真張文纘妻媳林氏諸生淮妻

林氏蔣應朝妻

檀氏諸生鄢燦妻

張氏鄢廷儒妻

何庸姐鄢肇寵妻

薛足鄢日椿妻

黃綉小十二都張文德妻以上舊志

陳氏鄭開輔妻通志

鄧氏陳武瑜妻府志

唐氏赤岸廩生王廷樞妻

莊慧娟鄭克繩繼妻

蕭氏楊利濟妻

周氏許祖迪未婚妻

清

永泰縣志

卷十一

列女傳

三十

柯望使林文憲妻

梁氏柯鑾妻

翁氏諸生彭舉妻

林麟使北山謝本宏妻

陳瑞玉舉人張世堪妻媳黃元使廩生其鉞妻

林品官金沙陳聖制妻

林一佛生員董克驥妻

劉擇使齊一鴻妻

劉舉官董繼芳妻

陳姿使黃毓長妻

趙氏八都林亨起妻

林慧使卓道祿妻

陳渭使南湖鄭介卿妻

謝氏赤岸監生王寶書妾

林上坊張運中妻

林雍使程克繼未婚妻

謝寨姐林爾賢妻

陳居姐程克煥妻

林氏張自御妻



王氏廩生黃其宏妻

唐士姐三都方璧妻

王意使方其驪妻

彭氏生員林在德妻

何氏鄢廷弼妻

張雍鄢成志妻

檀顯鄢而術妻

魏順鄢而衡妻

林熙使杜世炳妻

張寧官汪世正妻

鄢氏張自聲妻

林氏鄢一樑妻

汪氏鄢大紹妻

鄢篆使何煥貞妻

曹珮官鄢一昱妻

任氏陳知日妻

傅氏巫志侯妻

葉勸使魏大賚妻

朱鶯使魏鍾妻

吳仙使魏大敦妻

永泰縣志

卷十一

列女傳

三十一

林碩使張昌儀妻

何組使監生吳家珩妻

林爾宜諸生柯端陽妻

林京舍柯大煥妻

柯歲使葉任彭妻

陳佑使林玉卿妻

李氏諸生林在邦妻

李氏蔡惟典妻

賴氏蔡孔玉妻

張氏蔡孟章妻

游氏張其藻妻

程美使鄭光達妻

廖粧使張叶莊妻媳陳恭使子于質妻

張廉姑陳曰信妻

方愛姑張爾文妻

夏玉使何國祺妻

張奇姐余君拔妻

陳氏生員鄭燦揚繼妻

張美姐盧以鼎妻



章福貞汪兆璋妻

汪怡使文藻檀祖榮妻

陳長姐文藻檀祖佺妻

吳氏陳易脩妻

陳氏林宗怡妻

林淑使汪持邇妻

鄭氏邵典盤妻

張志使生員游佺妻

林氏生員游渭妻

吳瑞使生員林球妻

盧餘使張宜公妻

王生宋方在妻

林氏生員黃鎡妻郭氏鎡妾

葉莊使朱秩人妻

沈氏太學張宗隆妻

朱氏張夢捷妻

鄭穹使陳經侯妻

柯美官監生黃元吉妻

鄭昭宋吳永生妻

邱新姐陳君喜妻

永泰縣志

卷十一

列女傳

三十一

江恒哥生員柯正甲妻

林氏生員黃炫妻

林氏陳大紀妻

黃氏江有蘭妻

曾氏歲貢王炳爛繼妻

鄭鸞使陳朝保妻

魏整使林漢永妻

張全官鄭觀光妻

卓氏廩生張中書妻

蔣氏監生何世俊妻

陳節使柯正鑒妻

高宗姐張則定妻

柯寶使星明輔妻

黃順使吳茂嶽妻

任翰使林孟玖妻

侯氏陳孔奇妻

鄔守使朱仕偉妻

李氏漁溪林德富繼妻

劉康使魏古泉妻媳張孝使子而照妻



張氏生員魏北拱妻

柯戍娘楊君鎮妻

林蒲使庠生薛世隆妻

陳慕娘楊大新妻

黃章使柳而正妻

張欽官陳而長妻

范鳳使黃邦清妻

盧氏汪惟岐妻

柳機使陳絢木妻媳張氏子天定妻

黃氏白雲顧長超妻

卓氏薛聚奎妻

吳氏黃能益妻

王氏臺口諸生張士耿妻

陳氏生員何連超妻

張莊官柯文榕妻

鄭節使陳元祚妻媳葉氏子士琬妻

鄭藻使庠生柯文儀妻

徐清使林上英妻

永泰縣志

卷十一

列女傳

三十二

林玉纘黃士拔未婚妻

王觀使增生吳鎬妻觀舊志作勸

楊基使吳璣妻以上舊志

游氏鄢廷致妻

林氏金彥卿妻

周氏王日煨妻

林氏諸生黃元妻以上通志

吳氏諸生林若采妻府志

林器使赤岸王天機妻

李氏蓮峰侯秉纘妻

鄔氏蓮峰侯正繡妻

陳成使蓮峰侯正絢妻

倪氏張應泰妻

陳氏豐寧山蘇香祿妻

張氏豐寧山蘇香春妻

翁金蓮生員林祥賡妻

楊夏使林知義妻

魏翠使林濟銑妻

楊氏太學黃汝梅妻

張研使林時義妻



林黨使職員鄭森泉妻

張氏林善書妻

張貴英林家弭妻

王璋使魏成達妻

蔡梨使朱觀爵妻

謝媛使白雲黃三捷未婚妻

鄭氏北山謝富賢妻

陳氏念后程家定妻

邱氏黃爾卷妻

林氏生員陳飛鳳妻

齊氏張于欽妻

林氏廩生柯文模妻

許氏王懷湜妻媳董月娟孝庸未婚妻

劉氏北山張克美妻

汪氏石埭薛學海妻

劉釵姐鄭高春妻

陳氏石埭薛學參妻

黃賢使張光輝妻

林氏貢生薛長華妻

永泰縣志

卷十一

列女傳

三十四

張滿使生員林名和妻

陳氏白雲黃七玉妾

鄭氏白雲黃汝澤妻

許氏白雲黃于彥妻

張氏白雲黃于匡妻

何氏謝慶長妻

廖氏嵩口林德瑤妻

范氏都司林功懋繼妻

黃氏林德恩妻

吳氏監生林壽臧繼妻

葉傳使陳有象妻

蘇氏樂山張賢裔妻

陳氏監生林積蓮妻

齊氏雁門吳元晃妻

陳氏職員林瑞蓮妻

徐氏雁門吳而科妻

王氏村尾武生張瑞奎妻

柯氏鄧世壽妻

黃氏麟洋鄔濟可妻

倪氏麟洋鄔奮可妻



黃氏麟洋鄔瑞麟妻

林氏麟洋鄔可軒妻

洪氏王懷嶸繼妻

呂蕊使月洲張洪嚴妻

陳氏嵩口鄭成品妻

范氏縣治劉德麟妻

黃燕使嵩口鄭有賢妻

楊碧娥赤岸王孝植妻

陳翠使月洲賴良翔妻

徐氏赤岸州司馬王惟澧繼妻

王氏陳貽箴妻

陳氏赤岸都閩王桂香妻

方氏嵩口鄭有勝妻

黃氏赤岸王玉瑞妻

林氏赤岸監生王鉞妻

陳氏赤岸王成蕙妾

陳燕黃毓彬妾

楊氏黃于式妻

張三妹黃錫琬妻

廖氏曾承棟妻

永泰縣志

卷十一

列女傳

三十五

詹巧使劉步賢妻

鄭榮使霄陽張永蘭未婚妻

黃玉清劉燦哲妻

史氏八都方乃萱妻

王振使胡秀野妻

陳氏葉洋李居業妻

廖賽英黃通德妻

林春使月洲王斯彩妻

張廣使劉敬鳳妻

張氏月洲賴興忠妻

楊氏赤水監生李世廣妻

鄔氏金潭監生黃兆祺妻

汪氏麟洋鄔興源妻

張氏縣治庠生柯天爵妻

張珠姐十三都陳思發妻

吳氏葛嶺侯江滔妻

江氏葛嶺陳宗瀚妻

尤氏梧桐尾鄭秉泰妻

方氏七里卓宗昌妻

高氏七里卓世德妻



陳氏布崙張朝妻

陳氏布崙張欽典妻

鄭妙範縣治林爾熾繼妻

魏氏七里卓孔珠妻

劉金使縣治張壽年妻

薛氏縣治干汝舟妻

侯氏縣治監生柯鳳韶妻

侯春使長慶魏偉義妻

楊碧使長慶魏康升妻

周氏嵩口林鏘敬妻

盧氏嵩口林濱敬妻

方氏嵩口劉孟忠妻

邱氏嵩口林爾洧妻

江氏蓮峰侯紹燦妻

陳氏嵩口林英裕妻

池氏蓮峰侯莊蘭妻

張氏蓮峰諸生侯兆周妻

陳氏蓮峰侯品麟妻

陳升使蓮峰侯連升妻

林氏蓮峰侯在潮妻

永泰縣志

卷十一

列女傳

三十一

林氏蓮峰侯莊忠妻

池氏蓮峰侯開善妻

魏氏蓮峰侯為居妻

林氏蓮峰監生侯在馨妻

林氏蓮峰侯為雍妻

陳氏蓮峰侯在圭妻

林氏蓮峰侯在亨妻

林氏蓮峰侯品龍妻

史氏丹洋張繼遠妻

林氏二十都太學華有鑠繼妻

林氏二十都華世道妻

余氏二十都太學華聯韶繼妻

林氏二十都華永榮妻

林氏蔡官德妻

羅氏文溪許連有妻

張學妹臺口邱建飛妻

侯氏翠雲林和鏗妻

薛氏赤岸王孫詒妻

薛冬菊榕溪廖裕文妻

胡瑞花鯉潭張某妻



唐氏一都張象賢妻

林莊使鄭恩開妻

薛金梅五都廖興志妻

張營使方應祥妻

張氏豐寧山蘇遠紹妻

楊寶使方天祥妻

余將佛鯉潭張存瑛繼妻

陳肅媛汭口張衍銘妻

金氏赤岸縣丞王鈞妻

張氏赤岸王永珍妻

林氏洋裡王成杰妻

楊漢使林叶年妻

鄭巧使太學方應祺妻

郭氏太學林上魁妻

高氏貢生林允泰妻媳張氏子啟標妻

蔡蓉使林雅書妻

陳春使生員鄭德麟妻

張錦使太學林恩培妻

陳時使鄭文開妻

永泰縣志

卷十一

列女傳

三十七

鄭氏林宣猷妻

謝氏八都例貢林春華妻

陳氏林金榜妻

林菊使魏禮憲妻

吳氏三十二都黃開禧妻

楊氏朱觀猷妾

張氏連山池世從妻

朱氏黃周多妻

張氏嶺霞岳湘揚妻

魏氏李頌炳妻

黃觀使北山謝聖詔妻

鄭氏朱聖廣妻

侯氏柯瑞章妻

林氏陳紹順妻

蔣氏林文瑞妻

游氏白雲黃成開繼妻

鄭氏張朝晃妻

王氏林文芹妻

鄭氏林兆祺妻

曾氏林朱衍妻



李氏林朱聘妻

余氏林朱培妻

張氏林程國妻

朱巧使林程薌妻

余黨使雁門吳仁貴妻

黃遇使雁門吳裕學妻

許氏雁門吳華椿妻

嚴氏瀨柄徐克享妻

張氏縣治陳其彥妻

慎氏縣治陳貽年妻

林金鸞三峯前黃壽椿妻

侯氏三峰前黃步騰妻

康秋菊沙灣劉宜定妻

李蟾使張炳金妻

徐氏荷峰吳齊熙妻

林氏張仲謀妻

陳氏嵩陽諸生張建祥妻

陳氏麟洋鄢道式妻

張氏金恭鈺妻

羅翠使金恭綺妻

永泰縣志

卷十一

列女傳

三十八

王氏麟洋諸生鄢捷妻

彭氏鄢金源妻

黃氏鄢易體妻

楊細妹金瑞清妻

林氏赤岸王希敷妻

黃氏莊孔鵬妻

陳氏界竹口林道藻妻

何瑞妹劉則綏妻

黃珠使劉惠和妻

楊璧使李世廣妻

鄭熙使陳家華妻

楊氏張敬賦妻

陳氏楊錫穀妻

王氏白雲黃則容妻

黃鳳使陳師培妻

林氏黃乃業妻

呂氏楊士貴妻

何氏張壽星妻

林氏廩生張炳遴繼妻

鄭氏黃祈年妻



鄧氏張拔人妻

鄭氏張炳純妻

李會使張鴻禧妻

林善使張進春妻

林氏張連山妻

林連使陳鴻嘉繼妻

葉氏黃同和妻

林慈使張承疇妻媳陳氏

黃氏張敬嘉妻媳林氏

鄭氏張炳芳妻

陳梨使張則堯妻媳宋氏

林氏黃希波妻

陳桃使張炳航妻

岳氏黃居貞妻

宋氏金能俊妻

魏氏張承忍妻

魏氏金兆祥繼妻

李夏蓮張炳南妾

賴氏張爾人妻

林長使張祝人妻

永泰縣志

卷十一

列女傳

三十九

魏巧使張炳人妻

張瑞蓮林占金繼妻

柯氏張秋福妻

邱氏張有利妻

林娟使張心煌妻

陳氏張儀能妻

鄭益使張心象妻

楊氏張欽人妻

鄭氏張价人妻

周氏張祺能妻

楊氏張承志妻

宋氏張友錦妻

鄭氏張承周妻

鄒氏程則近妻

林氏葛嶺侯春浦妻

張氏嵩口林應疇妻

鄭月英林克繩妻

張翠萱林克續妻

侯久使陳日省妻

李氏張承昂妻



張定使陳文化妻

林氏葉時開妻

林氏楊錫煌妻

張月使林吉元妻

張氏柯齊拱妻

胡氏何兆徽妻

張氏陳立樞妻

林氏陳淵修妻

洪氏陳溫洛妻

朱氏陳恭造妻

鄭氏陳福祐妻

謝氏余謂聖妻

林氏陳孝義妻

林連使月洲張拔亨妻

鄭鳳釵縣治生員林錫疇妻

俞氏方成仁妻

鄭善使監生林上荃妻

黃鈿姐北山何恆籌妻

李氏山洋黃萬雲妻

黃蘭使北山何大高妻

永泰縣志

卷十一

列女傳

四十

鄭氏縣治陳貽銘妻

王淑貞江源蔣應孚妻

黃姍妹江源蔣立權妻

曾氏縣治陳倫苞妻

張氏清涼橋賴紅妻

蔡氏劉觀波妻

余氏諸生華聯奎妻

何氏華慶斌妻

李氏程光修妻

張氏鄭長鏗妻

張氏豐寧山蘇大嚴妻

張氏嶺霞岳璋美妻

張氏嶺霞岳銘屏妻

黃氏張曰銳妻

羅氏北山張章興妻

王氏山洋張仲田妻

唐氏桂院林孝傳妻

林氏赤岸生員王尙恭妻

陳氏赤岸王世瑁妻

張氏赤岸王世鞠妻



鄭大妹白雲黃乃勸妻

蘇氏白雲黃乃聚妻

林河妹白雲黃大任妻

張大妹黃乃潤妻

張氏黃舜德繼妻

鄔氏黃蘭容妻

陳杰英黃庚容妻

何氏黃師德妻

林氏黃乃壽妻

鄭氏趙季離妻

江氏陳盦雲妻

林銀妹縣治鄭明富妻

節烈

宋

林氏劉全祖妻祖與妻兄起兵兵敗自經死有司執林氏具反狀林叱曰林劉二族世為宋臣事之不成天也何為反乎汝知去歲有

永泰縣志

卷十一

列女傳

四十一

以血書壁而死者乎乃吾兄也吾忠義之心與兄一也可為汝等凌辱耶遂遇害(舊志)

明

黃三小方鑾妻閩縣人也年十六適鑾十九而鑾卒號哭不食三日手刃自裁(舊志)

郭賽英適十六都蔡伯毅五閱月卒郭方青年無子家貧其父母固不欲其守節也喪葬畢已蓄此志而不敢發踰年請於其翁姑使人微風郭郭初不欲直拒請以終喪後議三年內事翁姑無違言紡績組紉一如夫存日喪服中未嘗見喜容隱有截髮削鼻風人亦無敢干以改適之說者而其父母愈不忍其孤遂速其謀轉慙



慮其翁姑翁姑亦利其適人之有便於己也遂相與合謀受采於太學某納幣奠雁有成說矣而郭初不之知也已而屆期先五日而後告之故郭再三懇辭不許因輟食飲泣三日而郭翁媪携酒黍穀核數事來家相勸勉郭知兩家父母舅姑意不可回收淚作歡笑狀治午炊款父母而遣之伺舅姑遠送之野而室無人整衣閉戶投繯以歿(見蟬巢集)

鄔采蘋諸生汪有剛妻鄔正畿女弟也夫早逝山寇肆掠鄔携幼子走避寇將至語其子曰汝速逸寇得汝必求贖貧無以應則俱死耳子哭牽裾鄔以杖擊之賊至執之鄔語之曰吾有簪珥藏牖下可往取之賊信偕至家鄔曰吾懼汗誑汝今返舍矣賊牽之行抱

柱大哭竟死於賊(舊志)

池氏受聘王昌禹父用慶襲福州千戶職禹執綉少年負氣敢爲輒以睚眦暴鄉里世變方亟諸不逞之徒羣謀報復時池猶未歸也密遣人令出亡乘時立功名氏父母議更配氏不從及禹受兵部主事王士和知薦任都閫娶於外氏馳函詰禹不見答遂自經(見王氏家譜)

清

游莊姐鄔廷致妻年二十二夫歿游欲以身殉姑防之密議立嗣以安之游佯喜曰如此則婦有恃可不死矣及夫五七之辰語婢曰新宅井水獨清可汲取沐浴將禮佛爲鄔郎懺拔家人殊不疑整



裝飭服袖夫所讀書數册自經死(舊志)

魏儀使許聘尤溪黃金理未娶而理故魏白衣往弔居黃門半載無舅姑乃歸外家不食自經年甫十六(舊志)

柯旺使諸生有啓女適福清林士章章孝廉懋勉子也病革氏遺以錦囊曰待妾於五日之後以此爲信士章受而瞑目既殮裂布爲兩魂帛並置於座至期沐浴更衣祭奠夫靈拜訣慈姑戚族以次行禮訖乃從容投繯以殉時年二十(舊志)

某氏鄭君瑞妻戊子寇變被執投巖下碎骨死見夢於君瑞覓屍歸葬顏色如生(舊志)

劉月姐年十六遇賊被執欲污之不從誓不絕口遂遇害(舊志)

永泰縣志

卷十一

列女傳

四十二

朱推使張大鏹妻

張譜作大鮑

鏹死週年絕食以殉邑令某輓云飲蘗茹

荼三百六旬今朝可死成仁取義二十一歲亘古常生(參通志)

舊志)

董壽使陳允禮妻年十七歸陳家綦貧無違言無諄語八閱月而允禮卒哀慟震閭里夫七終卽謀葬地言壙宜寬大苟兩而歧之非同穴意耳葬畢不食九日扼吭卒(參舊志)

陳臬使邑生員李友杜未婚妻聞訃肩輿造門時堂中具酒筵如待新婦禮臬使從容飲食畢易素服卽靈前自經(舊志)

黃顯使十二都人適福州詹周士三載夫歿氏上無垂白之老下無待哺之兒投繯柩旁舉人涂之堯爲之立傳(舊志)



張么妹十都廷珩女王孔暉妻也廷珩無子欲令長依膝下贅暉爲婿暉早失恃偕其父同居於岳家氏猶以不及奉姑爲憾其事翁恪執婦道定省膳羞必親蒞之唯謹及執喪哀毀過禮廷珩雖勸止之不能禁也氏以暉係贅賓恐內外有間言每曲體翁婿意潛扶默持以匡父母之不逮暉又多病恒不勝力農事氏雖值炎暑常代耘耔以貫其勞暉故一號幾絕數自經皆救免一日有父執來廷珩延密室閒譚移時偶語及暉有先行除靈之說氏憤而起且曰父之除靈意在速我去也爲我謝之未亡人將從亡人逝矣卽日伺父外出潛赴夫塋自刎而亡(見王氏家譜)

張氏莆田人年二十一歸邑民陳子儀甫四載夫亡遺腹七閱月氏

日慟哭靈次夜以片席臥柩下其兄弟自莆來探其微意氏哭曰生爲陳婦死爲陳鬼無他也及產一女氏惻然遂棄於河卒哭之辰於柩旁扼吭而卒(舊志)

方祥使張光敷未婚妻光敷勤學年十五於族中昆從集一文會自作會序有五日爲期功無容作輟一周復始藝務底精專之句因攻苦得癆瘵疾年二十一而逝祥使聞訃過門拜太翁翁姑及夫靈座前禮畢欲以身殉翁姑悲泣挽留徐答曰婦得從夫九泉死亦何憾願大人勿強留也從容投繯而逝(舊志)

余金柳汪世合妾汪病革許以身殉歿謂嫡曰大人擇嗣以續宗祧妾從良人於地下兩俱無憾也遂投繯卒(舊志)



黃士韞林在劫未婚妻夫故黃氏堅志殉烈老姑勸沮至夫小祥談笑自若是夜咏絕筆詩作四辭別姑伯姆弟從容自經著有詩集  
(舊志)

黃淑貞適何世輻夫病篤山寇猝至氏惶恐不知所爲遂爲所擒寇欲污之厲聲曰我本良家婦豈以患難易操殺任汝殺竟死於寇  
(舊志)

莊車使嫁邱啓受年十九而夫死舅姑憐而欲嫁之微諷莊莊不應疑其志改遂受某氏聘莊佯爲不知及期拜辭舅姑及夫靈座入已臥室自經(舊志)

柯氏年十六許字王懷墀墀嬰危疾自願歸侍入門五日而夫亡求

永泰縣志

卷十一

列女傳

四十五

立嗣無有應者父母給歸寧欲嫁之悲憤不食嘔血數升死 (見  
韋治雜錄)

張氏華義藻妻年二十七夫歿不續絰亦不哭曰吾以死從夫胡拘拘小節爲哉至首七奠畢哭泣盡哀投繯殉焉

江氏十都蕉坑太學史廷樞再繼室也性貞烈夫故悲泣三日曰媳不孝不能奉姑遺此一男一女累吾姑奈何遂飲藥卒時年二十四歲

黃寶官張韜光妻光易簣黃卽床前語曰若少待妾當相從地下家人聞其言環守之數月欲死不得間一日面有喜色防少懈是夜扼吭而死撫軍旌曰含笑九原



鄭氏邑後街陳金妻夫忽雙瞽謂之曰予已病廢矣以爾青年肯他適何患無佳婿若貧病相依將奚爲者氏矢志不從爲傭以助夫毫無怨尤無何夫病故葬畢氏啣哀輟泣理家事如常人竊疑其有異志也一日梳洗畢忽赴井死撈其屍顏色如生里人嘉其烈釀金入祠

黃氏林叶光未婚妻年十六聞光計死而復甦者再有以改適之言進者女泣曰何卑視人乃爾絕食十餘日而逝道光中以未婚節烈得旌

方孫使東關外得芬女故儒士黃德水未婚妻德水死耗至氏痛泣暈絕者數是時年十九矣得芬弔於黃歸憐氏少而不忍於口氏

覺之跪請曰兒昔爲方女今黃氏婦也夫死從死復奚言竟以身殉距水歿兩旬耳得旌如例

黃氏閩清人雁門太學吳文蘭妻性淑婉事上御下謙冲有禮文蘭病侍奉湯藥衣不解帶者逾月竟不起遺一女字劉氏以喪未殯女未嫁濡忍延喘姑及夫兄弟欲奪其志發篋扇笥以惡草具食之不與家人齒而氏則境愈苦操愈厲每夜分母女相對飲泣曰而父死矣予何生爲所以不卽從而父於地下者以兒一塊肉大禮未成故耳女泄其言於人人以其新喪悲痛之常不之疑也氏日浼塞脩某令速娶送女登輿遂自經

鄭氏年十五適王墓陳克環環得瘵疾瀕危氏儲毒以待環卒撫屍



慟哭俄頃毒發不旋踵繼環而逝

張氏山西大同籍父修衡家中貲進士許益謙時喪偶聽鼓晉垣聘焉年十七歸許肅雍靜穆如成人自酒漿縫紉以至禮賓承祭經紀百端曲有儀法成禮三閱月許捧檄奔馳風露不時嬰疾旋逝易簣親自盥沐凡紀綱殮具附身附棺必不使有悔焉扶櫬旋永關河阻隔寢食柩旁數千里無少懈比至家不出戶庭穆穆秩秩室靡棄物里無違言如是者十二年一夕子婦咸集詔之曰吾非愛身所不從爾父地下者欲竟爾父未竟之志也今願慰矣遂仰藥死年二十九

陳氏先爲興化人播遷至永其夫鄭用銓亦客籍而僑寓者生而喪

永泰縣志

卷十一

列女傳

四十七

明婦自締婚以迄身殉無幾微怨懟色人以是知婦賢鄭故妻甚至銓而瞽於日尤不能自存婦蓬首跣足日傭汲奉夫以爲常治服御供饗滄捩擋家政洞洞屬屬歷數年如一日用銓病婦委曲調護者無不至罄衣飾鬻之以供藥餌嘗自延醫跋涉山水冒風雨不知疲也其言曰棄人之疾者不仁喪己之節者不義夫或不諱誓將相從地下必不徒作割鼻態尙留殘喘以苟活人世光緒庚辰秋七月用銓病故婦勺水不入口朝夕哭奠矢以死殉然以弔唁羣集數自經不得間殯葬畢遍過僱汲主人爲取水滿甕歸闔戶仰藥而逝年二十二歲距用銓之卒纔四日耳

張玉娟兆庚女適劉世瓊劉居治東里許之沙灣街張生而婉靜嫻



內則處姑嫂間能敬且和劉翁宜安聞而聘之既歸家奇貧張糊  
箔以給烹飪縫紉身親其勞春秋節辰祖先諱日鷄黍酒醬之屬  
有需無不儲備奉姑色笑先意承志雖子婦各已成立而姑則非  
張不樂倚若左右手蓋以張之就養無方初不諉之妯娌而淑慎  
之德兼有以迎其性而適之也飲食藥餌非親嘗不敢獻間以時  
歸寧甫至卽返有留之者謝曰家事繁吾在外閒一日吾姑卽在  
家勞一日姑老病不能堪也里黨訓誡子婦輒舉張以爲法執姑  
喪未嘗見齒光緒庚子十月瓊病篤張儲醢以待期以必殉家人  
聞其仰藥也羣醫環集謀所以活之張曰無庸舅姑旣已棄養膝  
下又鮮兒息氏固含笑九原耳堅不下咽竟於二十三日卯時同

瓊卒於寢所年二十五歲

官氏武進士林捷鼈妻鼈以二等待衛在京供職歿於都門差次氏  
仰藥殉詔封節烈恭人特旨建坊

黃熾使者廩生鄭君弼繼室也君弼病革屢日黃黃矢曰所不從君  
九泉者有如日君弼哽咽不能聲比卒黃置棺兩具逾日沐浴殉  
焉入殮顏色如生

附題名

明

張氏諸生鄢正薊妻

舊志

清



陳氏郡庠生張愚妻

柯氏鄭啓典妻

張德瑗倪廣年未婚妻

陳氏張某妻

程靜宜劉熙輝未婚妻

張送使林在雍妻

黃氏張礪公妻

某氏陳宜翥妻

何波使謝卿長妻

陳扶姐羅某妻以上舊志

陳氏白雲黃元有妻

姚采茶薛德淳婢

黃氏陳鴻隨妻

李幼使林世昌妻

黃氏生員張瞻洛繼妻



論曰嘗讀女史內則諸篇景古賢女淑媛流風餘韻未嘗不嘆巾  
幘之賢較勝鬚眉而世之潛德幽光冰心玉質媲美前蹤者未可  
令其湮沒無傳已也周興公侯大夫妻脩身飭行動止以禮能輔  
佐勸勉其君子而王道賴以成自宮壺之間以至委巷在家爲賢  
女既嫁爲賢婦生子又爲賢母大化翔洽懿媛篤生法度之教浸  
成風俗尙已及至後世一時所謂賢者闕然無聞而腥氛西漸平  
權之說起自由之風熾羸滕之旅弛負擔而咨嗟拘墟之子睇支  
流而汗喘又奚論焉豈笄髮女士爭輝彤管泣鬼神光日月固隨  
世運爲轉移每况愈下哉然吾觀畸行義聲度超往古自漢以降  
恒有之三代之盛未之前聞也夫寧清明之氣獨鍾晚近而至性

反不若後人之篤歟蓋道教明常則酒食是議變則冰霜矢志人  
皆知夫義之所止也水之有坊也懸器之有紐也坊決則水必溢  
紐絕則器必壞是道也何道也小之在一名一物達之通家國天  
下之道也關雎麟趾葩經示帷闈之程歸妹家人犧易立修齊之  
準後世人道衰薄天地中和之氣有所壅遏不流其鬱而鍾於一  
二人者往往發爲瑰志畸行而不必盡軌於婦道之正然用以訓  
世扶衰則固不可得而議也雖深山窮谷荆布椎結之婦其父母  
未嘗明訓之其幼時未必有所考鑒而知之至性所凝居然叶好  
述之詩守柏舟之義宅里未表棹楔莫旌而班姬湛母能嗣徽音  
杞婦湘君空餘血淚語云幽蘭不以無人而不芳貞女不以無知



而改操世有輪軒之探雖列於風爲後世觀豈愧也哉

永泰縣志

卷十一

列女傳

五十一